

10.April. 2019

UPA2019/135

**Nunatta avataanut sioqqanik nioqquteqarsinnaalernissaq pillugu Naalakkersuisut UPA2020-mut iliuusissatut pilersaarummik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortaq Aqqaluk Heilmann, Atassut)

Nunatta avataanut sioqqanik nioqquteqarsinnaalernissaq pillugu Naalakkersuisut iliuusissatut pilersaarummik saqqummiusseqqullugit Inatsisartut aalajangiiffigisassaattut siunnersuut, Inatsisartuni ilaasortap Aqqaluk Heilmann-ip saqqummiusnaanut Siumumiit qutsavigaarput, aammalu tassunga tunngatillugu Naalakkersuisut akissutaat ilanngullugu imatunik oqaaseqarfigissavagut.

Naluneqanngitsutut Nunatta iluani sanaartornermi sioqqanik Nunatsinneersunik annertuumik atuisoqareerpoq, tamanna aamma Naalakkersuisup akissummini ersersippaa.

Sisimiuni arpattartut SSP-ip illuutaa kangerlussuup sioraanik sanaajuvoq, aamma Siko blok sioqqanik sananeqaateqarpoq sooq annerusumik tamakku atunngilagut Nunatta nammineq pissarititai, sanaartornermi atortut avataaneersut killilersimaarniarlugit.

Bluejay Miningip Moriusap eqqaani ilmenittinik piaanissamik pilersaarutaa aamma assut isumalluarnartutut Siumumiit oqaatigissavarput, neriulluta taavani suliffissanik pilersittsiumaartoq.

Nunattali avataanut sioqqanik niiveruteqalersinnaaneq tunngaviatigut tapersersorparput imminut akilersinnaasumik ingerlalersinnaappat, aammali Naalakkersuisut akissuteqarnerminni piumasaaqatit arlaqartut eqqaasaat aamma eqqarsaatigineqartariaqarput.

Danmark-imut tikilluni eqqarsarnartarpoq illut qammasissiamik sanaat orpissualimmi, aammalu Nunatsinnut uterluni illut qisummik sanaat orpissuaqanngitsumi, tamanna qanoq paasisariaqarnerpoq.

Taamatut oqaaseqarluta Siumumiit, Naalakkersuisut allannguutissatut siunnersuutaat taperserparput.

Henrik Fleischer, Siumut